

## Script of Evening Gojri News Bulletin 22 December 2025 at 1700 Hrs

ایویننگ گو جری نیوز بلیٹن مورخہ 22 دسمبر 2025

\*\*\*\*\*

یوہ آکا شوانی جموں ہے محمد اشفاق تے ظفر اقبال تیں خبر سُنو۔ پہلاں خاص خاص خبر۔

\*\*\*\*\*

\*1۔ وزیر اعلیٰ عمر عبداللہ نے جموں مانہ کابینہ میٹنگ غی صدارت کی، میٹنگ مانہ اہم انتظامی اور ترقیاتی امور بارے جائزولیاں گئیں۔

\*2۔ جموں کشمیر حکومت نے وزارت داخلہ واسطے معلومات مانہ حتمی شکل دین واسطے اعلیٰ سطحی کمیٹی تشکیل دتی۔

\*3۔ قانون ساز اسمبلی کا سپیکر عبدالرحیم راتھر نے آغاہ منتظر مہدی تے دیویانی رانا مانہ اسمبلی کمیٹیاں واسطے نامزد کیا ہے۔

\*4۔ کٹھوعہ مانہ شہید کرکٹ ٹورنامنٹ مانہ ڈی جی پی نلین پر بھات غو کہنو ہے کہ دہشت گردی اور جرائم غی دیگر تمام شکل ہمیشہ پولیس غی سخت نگرانی مانہ رہیں گی۔

\*5۔ تے محکمہ موسمیات نے اگلا 7 تہاڑاں غے بشکار جموں صوبہ غا میدان علاقہ مانہ درمیانہ توں کہنی دھند رہن غو امکان ظاہر کیا ہے۔

\*\*\*\*\*

خبراں غی تفصیل نال پہلاں محمد اشفاق۔

### CM Cabinet Meet

وزیر اعلیٰ عمر عبداللہ نے اج جموں مانہ کابینہ غی اکمیٹنگ غی صدارت کی، جس مانہ اہم انتظامی تے ترقیاتی امور ور تبادلہ خیال کیا گیا۔ ذرائع نے دسیو ہے جے اس اجلاس مانہ بکھ بکھ ترقیاتی کمان مانہ ویلے سر مکمل کرن تے عوامی پہلاں بہتری تے فلاح و بہبود بارے جائزولیاں گئیں۔ واضح رہے جے اجلاس غے دوران مرکزی زیر انتظام علاقہ غا بکھ بکھ ضلعان اندر منصوبہ بندی تے آئندہ اقدامات خاطر انتظامی منظوریاں بارے وی تبادلہ خیال کیا گیا۔

\*\*\*\*\*

### JK Govt Committee

جموں کشمیر حکومت نے 6 اکتوبر 2025 مانہ وزیر اعظم نریندر مو دی غی مرکزی سیکریٹریاں سنگ بات چیت توں پیدا ہون والا اہم نقطہ نظر ور عمل آوری بارے وزارت داخلہ مانہ پیش کیا جان والا تاثرات تے تبصران مانہ حتمی شکل دین خاطر اک اعلیٰ سطحی کمیٹی تشکیل دتی ہے۔ یاہ کمیٹی متا سارا وزارتی اقدامات غا نفاذ خاطر مکمل حکومتی نقطہ نظر مانہ اپنان ور بکھ بکھ محکمان مانہ اُن غا کم کاج مانہ مستحکم رہن مانہ اُن غی مدد کرے گی، تے نال ہی 2047 توڑی قومی اہداف غا حصول بارے وی محکمان ور نظر ثانی کرے گی۔

\*\*\*\*\*

### Speaker Nomination

جموں کشمیر قانون ساز اسمبلی کا سپیکر عبدالرحیم راتھر نے بڈگام حلقہ تیں رکن اسمبلی آغاہ سعید منتظر مہدی مانہ اتھکس کمیٹی غا رکن غا طور ور نامزد کیا ہے۔ اس دوران اسپیکر موصوف نے

نگروٹہ حلقہ تین رُکن اسمبلی دیویائی رانا نانہہ کمیٹی غی بقیہ مُدت توڑی بکھ بکھ درخواستاں غے پیش نظر عرضیاں با رے کمیٹی غی رُکن غا طور و ر نامزد کیو ہے ۔ یاد رہ جے یہ نامزدگیاں اسمبلی کمیٹی غا کم کاج نانہہ یقینی بنان تے ٹھوس معاملات تے عوامی عرضیاں نانہہ موثر طریقہ کار سنگ نمٹان خاطر کی گئی ہیں۔

## Prog-G Ram G Act

آکاشوانی جموں غاعلاقائی خبران آلا شعبه غی طرفوں اج شام 8 بجے ویکست بهارت روز گار ، اجوییکا مش گا رنٹی ایکٹ" ویکست بهارت جی رام جی" قانون ور 15 منٹان ور مبنی اک خصوصی پاڈ کا سٹ نشر کیو جائے گو ۔ اس خصوصی پاڈ کا سٹ مانہ مہارا مہمان وین گا معروف صحافی اجیت جموال جھیڑا اس پروگرام ور اپنی بیصرت اور ماہرانہ خیالات ساتجھا کریں گا ۔ پروگرام غی میزبانی مہارا اینکر جگموین شرما کریں گا .....ہائٹ.....

پورو پاڈ کاسٹ تم اج شام 6 بجے ڈی ڈی کا شر چینل ور دیکھ سکیں۔ جد کہ آکا شوانی جموں میں یوہ پاڈ کاسٹ شام 8 بجے نشر کیو جائے گو۔

## LG Dogri Manyata Divas

لیفٹنٹ گورنر منوج سنہا نے اج کہیو ہے جے ڈوگری زبان غا درخشاں مستقبل تے اِس ناتہ محفوظ کرن خاطر اہم اقدامات غی لوڑ ہے، کیونجے ڈوگری زبان خطہ غی شناخت تے بڑی ثقافت غو حصو ہے ، واضع رہ جے ڈوگری مانٹا دیوس غا موقع ور لیفٹنٹ گورنر نے ایکس ور ڈوگری زبان مانہ اِک پیغام لکھ غے عوام ناتہ مبارکباد پیش کی تے نال ہی اُنہاں نے زبان غا تحفظ بارے وی اپنا جذبہ ناتہ اُجاگر کرن غی اپیل کی۔ قابل ذکر ہے جے اِج ہی غے تیار تے یعنی 22 دسمبر 2003 ناتہ ڈوگری زبان ناتہ بھارتی آئین غا 8 واں شڈیول مانہ شامل کیو گئو تھوتے اِس سلسلہ مانہ بکھ بکھ ثقافتی پروگرام سیمنار تے ادبی تقریب منعقد کی گئی تا نچے ڈوگری زبان ناتہ فروغ دتو جا سکے۔

مزید خبراں نال ظفر اقبال- ور اُس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آنیر ڈاٹ گُو ڈاٹ ان ور وی دستیاب ہیں، اس تیں یہ خبر مہاری مو (بائل ایپ تے ڈی ٹی ایچ ور وی دستیاب ہیں

## DGP Cricket

جموں کشمیر پولیس غا ڈائریکٹر جنرل نلین پر بھات نے ا ج کہیو ہے جے دبشت گردی تے دیگر تمام قسم غا جرائم ہمیشہ پولیس فورس غی سخت نگرانی مانہہ رہیں گا۔ وے ا ج 14 ویں پولیس شہید یادگار ٹی 20 کرکٹ ٹورنامنٹ غی اک تقریب سنگ خطاب کر رہیا تھا۔ واضع رہ جے اس ٹورنامنٹ غا پہلا میچ غو آغاز ا ج سپورٹس سٹیڈیم کٹھوے مانہہ کیو گیو۔ اس موقع ورڈی جی پی موصوف نے کہیو جے یوہ ٹورنامنٹ صرف کرکٹ غو نہیں بلکہ یوہ پولیس غا شہیدان نانہہ خراج تحسین ہے ، جنہاں نے قوم خاطر اپنی جاناں غا نظرانا پیش کیا۔

## Farmers SKUAST Jammu

اُدھم پور ضلع کا 2 بلاکاں گا 70 کساناں نانہہ اج شیر کشمیر یونیورسٹی برائے ذریعی سائنس اور تکنیک جموں کا تربیتی دورہ واسطے روانہ کیو گیو۔ اس قدم غو مقصد تیل کا بیجاں غی کاشت غی جدید تکنیکاں نانہہ فروغ دینو، پیداوار مانہہ اضافو کرنو اور پائیداری نانہہ فروغ دینو ہے۔ ایم ایل اے مشرقی اُدھم پور آر ایس پٹھانہہ نے کساناں غی خوش حالی واسطے حکومت کا عزم نانہہ اُجاگر کرتاں واں رخصتی غی قیادت کی۔ اس نمائش غو دور کساناں نانہہ بیج کا انتخاب توں لے غے کیڑاں کا انتظام تک جدید طریقاں سنگ آراستہ کرن غی کوششاں غو حصو ہے۔ آکاشوانی کا خیراں آلا شعبہ سنگ گل بات کرتاں واں ایم ایل اے آر ایس پٹھانہہ نے کچھ اس طرح کہو۔۔۔ بات۔

## Announcement

آکاشوانی جموں غا علاقائی خبراں غا شعبہ غی طرفوں کساناں با رے قومی تہہاڑا 2025 غا موقع ور 25 منٹ غو اک خصوصی پروگرام نشر وے گو۔ اس خصوصی پروگرام غو موضوع وے گو "اُن ہتھاں نانہہ سلام جہیڑا مُلک نانہہ کھلاویں"۔ اس خصوصی نشریات مانہہ مہارہا مہمان ویں گا جو انٹ ڈائریکٹر برائے ذرعی پیداوار تے کسان بہبود جناب سنجے آنند جہیڑا اپنا ماہرانہ خیالات سانجھا کریں گا۔ پروگرام غی میزبانی مہارہا اینکر وجے بجاج کریں گا۔ یوہ پروگرام پلک یعنی 23 دسمبر دوپہر 12 بجے نشر کیو جائے گو۔

\*\*\*\*\*

### Weather

محکمہ موسمیات غے مطابق اگلا 7 تہہاڑاں توڑی جموں گا بکھ بکھ علاقہ مانہہ درمیانی تے کہنا درجہ غی دھند دیکھیا جان غی پیشنگونی کی ہے تے 23 توں 29 دسمبر ہشکار موسم عام طور ور آبر آلود رہے گو، جد کہ 30 توں 1 جنوری غے ہشکار میدانی علاقہ مانہہ بارش تے بالائی علاقہ مانہہ ہرفباری غو امکان ہے، تے اس غے نال ہی 2 توں 3 جنوری توڑی موسم عام طور ور آبر آلود رہن غی وی پیشنگونی کی گئی ہے۔

\*\*\*\*\*

### MP Poonch Road

سرحدی ضلع پونچھ کا مقامی بنیادی ڈھانچہ نانہہ بہتر بنان غا مقصد سنگ اک اہم قدم مانہہ ممبر پارلیمنٹ راجوری اننت ناگ میاں الطاف احمد نے آج پردھان منتری گرام سڑک یوجنا (پی ایم جی ایس وائی) غے تحت جنیار ڈنگلا توں سیداں تک ساڈھا 4 کلو میٹر سڑک غو سنگ بنیاد رکھیو۔ قابل ذکر ہے جے یاہ سڑک 3 پنچائیتاں نانہہ جوڑے گی اور امید کی جا رہی ہے جے اس سڑک غا بنن توں تقریباً 15 ہزار لوکاں نانہہ فائدو لےے گو۔ اس موقع ور بولتاں واں ایم پی میاں الطاف نے اس طرح کہیو۔

پانٹ۔

\*\*\*\*\*

اس غے نال ہی خبراں غو یوہ پلیٹن ختم ہوو۔